

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

সোমবার, সেপ্টেম্বর ১০, ২০১২

গণপ্রজাতন্ত্রী বাংলাদেশ সরকার  
স্থানীয় সরকার, পল্লী উন্নয়ন ও সমবায় মন্ত্রণালয়  
স্থানীয় সরকার বিভাগ  
সিটি কর্পোরেশন-১ শাখা

প্রজ্ঞাপন

তারিখ, ২০ ভাদ্র ১৪১৯ বঙ্গাব্দ/৪ সেপ্টেম্বর ২০১২ খ্রিস্টাব্দ

এস. আর. ও নং ৩১১-আইন/২০১২।—স্থানীয় সরকার (সিটি কর্পোরেশন) আইন, ২০০৯ (২০০৯ সনের ৬০ নং আইন) এর ধারা ১২০, ষষ্ঠ তফসিল এর ক্রমিক নং (১) এর সহিত পঠিতব্য, এ প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথা :—

১। বিধিমালার নাম।—এই বিধিমালা সিটি কর্পোরেশন (কাউন্সিলর ও সংরক্ষিত আসনের কাউন্সিলরগণের দায়িত্ব, কার্যাবলী ও সুযোগ-সুবিধা) বিধিমালা, ২০১২ নামে অভিহিত হইবে।

২। সংজ্ঞা।—(১) বিষয় বা প্রসঙ্গের পরিপন্থি কিছু না থাকিলে এই বিধিমালায়—

- (ক) “আইন” অর্থ স্থানীয় সরকার (সিটি কর্পোরেশন) আইন, ২০০৯ (২০০৯ সনের ৬০ নং আইন);
- (খ) “কাউন্সিলর” অর্থ ধারা ২(১৮) এ সংজ্ঞায়িত কাউন্সিলর;
- (গ) “ধারা” অর্থ আইনের কোন ধারা;
- (ঘ) “মেয়র” অর্থ ধারা ২(৪৭) এ সংজ্ঞায়িত মেয়র;

( ১৪২২০৫ )

মূল্য : টাকা ৮.০০

(ঙ) ‘সিটি কর্পোরেশন’ বা ‘কর্পোরেশন’ অর্থ ধারা ২(১৪) এ সংজ্ঞায়িত সিটি কর্পোরেশন।

(২) এই বিধিমালায় ব্যবহৃত যে সকল শব্দ বা অভিব্যক্তির সংজ্ঞা প্রদান করা হয় নাই সেই সকল শব্দ ও অভিব্যক্তি আইনে যে অর্থে ব্যবহৃত হইয়াছে সেই অর্থে প্রযোজ্য হইবে।

৩। কাউন্সিলরগণের দায়িত্ব ও কার্যাবলী।—আইনের বিধানাবলীকে ক্ষুণ্ণ না করিয়া কাউন্সিলরগণ নিম্নবর্ণিত দায়িত্ব ও কর্তব্য পালন করিবেন, যথা :—

- (১) ক্ষেত্রমত স্থায়ী কমিটির সভাপতি এবং সদস্য হিসাবে দায়িত্ব পালন এবং সংশ্লিষ্ট স্থায়ী কমিটির সিদ্ধান্ত বাস্তবায়নের লক্ষ্যে যথাযথ ব্যবস্থা গ্রহণ;
- (২) ধারা ২১ এর বিধান অনুসারে মেয়রের দায়িত্ব পালন;
- (৩) মৃত ব্যক্তির উত্তরাধিকার, জাতীয়তা ও চারিত্রিক সনদপত্র প্রদান;
- (৪) আইন এর তৃতীয় তফসিলে নির্ধারিত বিভিন্ন দায়িত্ব ও কার্যাবলীর মধ্য হইতে কর্পোরেশনের নিকট, সময় সময়, নিম্নবর্ণিত বিষয়ে প্রয়োজনীয় প্রস্তাব পেশ বা, ক্ষেত্রমত, সুপারিশ প্রদান, যথা :—
  - (ক) প্রাথমিক শিক্ষা প্রসারের জন্য জনগণকে উদ্বুদ্ধকরণ এবং উক্ত শিক্ষা সংক্রান্ত কর্মসূচিতে সহায়তা প্রদান;
  - (খ) মাধ্যমিক শিক্ষা এবং মাদ্রাসা শিক্ষা কার্যক্রমের মান উন্নয়নের লক্ষ্যে সংশ্লিষ্ট প্রতিষ্ঠানগুলির কার্যক্রম তদারকি ও উহাদিগকে সহায়তা প্রদান;
  - (গ) সন্ত্রাস, জঙ্গিবাদ, চুরি, ডাকাতি, চোরাচালান, মাদকদ্রব্য ব্যবহার ইত্যাদি অপরাধ সংঘটিত হওয়ার বিরুদ্ধে জনমত সৃষ্টিসহ জননিরাপত্তা সংক্রান্ত অন্যান্য প্রতিরোধমূলক কার্যক্রম গ্রহণ;
  - (ঘ) পরিবেশ সংরক্ষণ ও উন্নয়নের লক্ষ্যে সামাজিক বনায়নসহ অন্যান্য কার্যক্রম গ্রহণ ;
  - (ঙ) যুব, ক্রীড়া, সাংস্কৃতিক ও সমাজকল্যাণমূলক কার্যক্রমে ব্যাপক প্রসার এবং বাস্তবায়নের লক্ষ্যে প্রয়োজনীয় সহায়তা প্রদান;
  - (চ) ওয়ার্ড এলাকার আদমশুমারীসহ সকল ধরনের শুমারী পরিচালনায় সংশ্লিষ্ট কর্তৃপক্ষকে সহায়তা প্রদান;

- (ছ) খেলাধুলার উন্নতিসাধন, গ্রন্থাগার ও পাঠাগারের ব্যবস্থা করা এবং জাতীয় উৎসব পালনে উৎসাহ ও সহায়তা প্রদান;
- (জ) ওয়ার্ড এলাকার পরিবেশ ব্যবস্থাপনার জন্য রাস্তার আবর্জনা সংগ্রহ, অপসারণ, ডোবা-নালা, হাজা-মজা পুকুর পরিষ্কার, মৃত পশুর দেহ অপসারণ ইত্যাদি তদারকি এবং কর্পোরেশনকে সহায়তা প্রদান;
- (ঝা) সমাজকল্যাণ ও জনহিতকর কর্মকাণ্ডে অংশগ্রহণ এবং উক্ত কর্মকাণ্ড বাস্তবায়নকল্পে করণীয় ব্যবস্থাাদি চিহ্নিতকরণ;
- (ঞ) কর্পোরেশনের আয় বৃদ্ধি ও উন্নয়নমূলক কার্যক্রম নিশ্চিত করার জন্য ওয়ার্ড এলাকার কর, রেট, ফি প্রদানে জনগণকে উদ্বুদ্ধকরণ;
- (ট) অগ্নি, বন্যা, খরা, ভূমিকম্প, ঘূর্ণিঝড়, জলোচ্ছ্বাস ও অন্যান্য প্রাকৃতিক দুর্যোগ সম্পর্কে জনগণকে সচেতন করা এবং এতদুদ্দেশ্যে ওয়ার্ড এলাকার গণ্যমান্য ব্যক্তি ও যুবসমাজ, বিভিন্ন শ্রেণীর প্রতিনিধি সমন্বয়ে ওয়ার্ড দুর্যোগ ব্যবস্থাপনা কমিটি গঠন করা এবং উক্ত কমিটির সভাপতি হিসাবে দায়িত্ব পালন;
- (ঠ) সরকার বা, ক্ষেত্রমত, মেয়র কর্তৃক সুনির্দিষ্টভাবে অর্পিত অন্যান্য দায়িত্ব ও কার্যাবলী নিষ্পন্নকরণ।

৪। সংরক্ষিত আসনের কাউন্সিলরগণের দায়িত্ব ও কার্যাবলী।—আইনের বিধানাবলীকে ক্ষুণ্ণ না করিয়া সংরক্ষিত আসনের কাউন্সিলরগণের দায়িত্ব ও কর্তব্য হইবে নিম্নরূপ, যথা :—

- (১) ক্ষেত্রমত স্থায়ী কমিটির সভাপতি এবং সদস্য হিসাবে দায়িত্ব পালন করা এবং সংশ্লিষ্ট স্থায়ী কমিটির সিদ্ধান্ত বাস্তবায়নের লক্ষ্যে যথাযথ ব্যবস্থা গ্রহণ;
- (২) ধারা ২১ এর বিধান অনুসারে মেয়রের দায়িত্ব পালন;
- (৩) আইনের তৃতীয় তফসিলে নির্ধারিত বিভিন্ন দায়িত্ব ও কার্যাবলীর মধ্য হইতে কর্পোরেশনের নিকট, সময় সময়, নিম্নবর্ণিত বিষয়ে প্রয়োজনীয় প্রস্তাব পেশ বা, ক্ষেত্রমত সুপারিশ প্রদান করা, যথা :—
- (ক) প্রাথমিক শিক্ষা প্রসারের জন্য জনগণকে উদ্বুদ্ধকরণ এবং উক্ত শিক্ষাবিষয়ক কর্মসূচীতে সহায়তা প্রদান;
- (খ) মাধ্যমিক শিক্ষা এবং মাদ্রাসা শিক্ষা কার্যক্রমের মান উন্নয়নের লক্ষ্যে সংশ্লিষ্ট প্রতিষ্ঠানগুলোর কার্যক্রম তদারকি ও উহাদিগকে সহায়তা প্রদান;

- (গ) জনস্বাস্থ্য, পুষ্টি, পরিবার পরিকল্পনা, মাতৃমঙ্গল, ইপিআই, প্রাথমিক স্বাস্থ্য সেবা সম্পর্কে জনগণকে উদ্বুদ্ধ করা এবং এই সকল সেবা প্রাপ্তি নিশ্চিতকরণের লক্ষ্যে করণীয় ব্যবস্থা সম্পর্কিত কার্যক্রম গ্রহণ;
- (ঘ) স্যানিটেশন ও পয়ঃনিষ্কাশন ব্যবস্থার উন্নতি সাধন, গণশৌচাগার নির্মাণ ও সঠিক ব্যবহারে জনগণকে উদ্বুদ্ধকরণ;
- (ঙ) বিভিন্ন আয়বর্ধক প্রকল্প যেমন।—কুটির শিল্প স্থাপন, হাঁস মুরগি, গবাদি পশু পালন, মৎস্য চাষ, বৃক্ষরোপণ ও পরিচর্যা ইত্যাদি কর্মকাণ্ডে জনগণকে উদ্বুদ্ধকরণ এবং এই সকল ক্ষেত্রে প্রকল্প গ্রহণের প্রস্তাব পেশকরণ ;
- (চ) নারী ও শিশু নির্যাতন, যৌতুক, বাল্যবিবাহ, এসিড নিষ্ক্ষেপ নিরোধের লক্ষ্যে জনমত সৃষ্টিসহ অন্যান্য প্রতিরোধমূলক কার্যক্রম গ্রহণ এবং বিবাহ নিবন্ধনকরণে জনগণকে উদ্বুদ্ধকরণ;
- (ছ) আত্ম-কর্মসংস্থান সৃষ্টি এবং দারিদ্র বিমোচনের জন্য নিজ উদ্যোগে কর্মসূচী গ্রহণ, বাস্তবায়ন এবং এ সম্পর্কে সরকারি কর্মসূচী বাস্তবায়নে সরকারকে সার্বিক সহায়তা প্রদান;
- (জ) সমবায় সমিতি ও বেসরকারি স্বেচ্ছাসেবী প্রতিষ্ঠানের কাজ তদারককরাসহ উহাদের কাজে সমন্বয়সাধন;
- (ঝ) সমাজকল্যাণ ও জনহিতকর কর্মকাণ্ডে অংশগ্রহণ এবং উক্ত কর্মকাণ্ড বাস্তবায়নকল্পে করণীয় ব্যবস্থাাদি চিহ্নিতকরণ;
- (ঞ) কর্পোরেশনের আয় বৃদ্ধি ও উন্নয়নমূলক কার্যক্রম নিশ্চিত করার জন্য ওয়ার্ড এলাকার কর, রেইট, ফি প্রদানে জনগণকে উদ্বুদ্ধকরণ;
- (ট) অগ্নি, বন্যা, খরা, ভূমিকম্প, ঘূর্ণিঝড়, জলোচ্ছ্বাস ও অন্যান্য প্রাকৃতিক দুর্যোগ সম্পর্কে জনগণকে সচেতন করা এবং এতদুদ্দেশ্যে ওয়ার্ড এলাকার গণ্যমান্য ব্যক্তি ও যুবসমাজ, বিভিন্ন শ্রেণীর প্রতিনিধি সমন্বয়ে ওয়ার্ড দুর্যোগ ব্যবস্থাপনা কমিটি গঠন করা এবং উক্ত কমিটির উপদেষ্টা হিসাবে দায়িত্ব পালন;
- (ঠ) সরকার, বা, ক্ষেত্রমত, মেয়র কর্তৃক অর্পিত অন্যান্য দায়িত্ব ও কার্যাবলী নিষ্পন্নকরণ।

৫। কাউন্সিলরগণের প্রাপ্য আর্থিক সুবিধাদি।—কাউন্সিলরগণের আর্থিক সুবিধা হইবে নিম্নরূপ, যথা ঃ—

(১) সম্মানী ভাতা ঃ

(ক) কাউন্সিলরগণের মাসিক সম্মানী ভাতার হার নিম্নরূপ হইবে, যথা ঃ

ক্রমিক নং	কর্পোরেশনের নাম	সম্মানীর পরিমাণ (অঙ্ক/কথায়)
১।	ঢাকা উত্তর সিটি কর্পোরেশন	১৭,৫০০/- (সতের হাজার পাঁচশত) টাকা
২।	ঢাকা দক্ষিণ সিটি কর্পোরেশন	১৭,৫০০/- (সতের হাজার পাঁচশত) টাকা
৩।	চট্টগ্রাম সিটি কর্পোরেশন	১৫,০০০/- (পনের হাজার) টাকা
৪।	খুলনা সিটি কর্পোরেশন	১৫,০০০/- (পনের হাজার) টাকা
৫।	রাজশাহী সিটি কর্পোরেশন	১৫,০০০/- (পনের হাজার) টাকা
৬।	বরিশাল সিটি কর্পোরেশন	১৫,০০০/- (পনের হাজার) টাকা
৭।	সিলেট সিটি কর্পোরেশন	১৫,০০০/- (পনের হাজার) টাকা
৮।	নারায়ণগঞ্জ সিটি কর্পোরেশন	১৫,০০০/- (পনের হাজার) টাকা
৯।	কুমিল্লা সিটি কর্পোরেশন	১৫,০০০/- (পনের হাজার) টাকা
১০।	রংপুর সিটি কর্পোরেশন	১৫,০০০/- (পনের হাজার) টাকা

(খ) কাউন্সিলরগণ প্রতি সভায় উপস্থিতির জন্য ৫০০ (পাঁচশ) টাকা হারে ভাতা প্রাপ্য হইবেন, তবে এই ভাতা কোন মাসে সর্বোচ্চ ২০০০ (দুই হাজার) টাকার অধিক হইবে না।

(গ) ঢাকা উত্তর সিটি কর্পোরেশন ও ঢাকা দক্ষিণ সিটি কর্পোরেশনের কাউন্সিলর প্রতি মাসে ৮০০০ (আট হাজার) টাকা হারে কার্যালয় ভাড়া ভাতা প্রাপ্য হইবেন। চট্টগ্রাম, খুলনা, রাজশাহী, বরিশাল, সিলেট, নারায়ণগঞ্জ, কুমিল্লা ও রংপুর সিটি কর্পোরেশনের কাউন্সিলরগণ প্রতি মাসে ৫০০০ (পাঁচ হাজার) টাকা হারে কার্যালয় ভাড়া ভাতা প্রাপ্য হইবেন :

তবে শর্ত থাকে যে, কর্পোরেশনের কোন কমিউনিটি সেন্টার, কার্যালয়, দপ্তরে কোন কাউন্সিলরের কার্যালয় স্থাপিত হইলে, সেই ক্ষেত্রে উক্ত কাউন্সিলর কার্যালয় ভাড়া ভাতা প্রাপ্য হইবেন না। কোন কাউন্সিলর নিজ বাসভবনে কার্যালয় স্থাপন করিতে পারিবেন না।

- (ঘ) ঢাকা উত্তর সিটি কর্পোরেশন ও ঢাকা দক্ষিণ সিটি কর্পোরেশনের কাউন্সিলরগণ প্রতি মাসে অফিস ব্যবস্থাপনা ভাতা হিসাবে ৪০০০ (চার হাজার) টাকা প্রাপ্য হইবেন এবং চট্টগ্রাম, খুলনা, রাজশাহী, বরিশাল, সিলেট, নারায়ণগঞ্জ, কুমিল্লা ও রংপুর সিটি কর্পোরেশনের কাউন্সিলরগণ প্রতি মাসে অফিস ব্যবস্থাপনা ভাতা হিসাবে ২০০০ (দুই হাজার) প্রাপ্য হইবেন।
- (ঙ) কোন কাউন্সিলর ফৌজদারী অপরাধে অভিযুক্ত হইলে, এতদসম্পর্কিত আইনের বিধানাবলী সাপেক্ষে, তিনি উক্ত সময়ের সম্মানী ভাতা উত্তোলন করিতে পারিবেন না :

তবে শর্ত থাকে যে, অভিযুক্ত কাউন্সিলর তাঁহার বিরুদ্ধে আনীত অভিযোগ হইতে অব্যাহতি পাইলে বা বেকসুর খালাসপ্রাপ্ত হইলে তিনি সমুদয় অর্থ বকেয়া হিসাবে উত্তোলন করিতে পারিবেন।

(২) ভ্রমণ ভাতা :

কাউন্সিলরগণ সরকারের প্রথম শ্রেণীর কর্মকর্তাদের জন্য প্রযোজ্য বিধি বিধান অনুসরণক্রমে সরকার নির্ধারিত হারে ভ্রমণ ভাতা প্রাপ্য হইবেন, তবে এই প্রাপ্যতা সরকারি চাকুরিতে প্রথম শ্রেণীর কর্মকর্তার মর্যাদার সংগে সমতুল্য হইবে না।

(৩) দায়িত্বভার ভাতা :

মেয়রের অনুপস্থিতির কারণে দায়িত্বপালনকারী প্যানেল মেয়র দায়িত্ব ভাতা হিসাবে প্রথম ছয় মাসের জন্য মাসিক ১০০০ (এক হাজার) টাকা হারে এবং পরবর্তী সময়ের জন্য মাসিক ৫০০ (পাঁচশত) টাকা হারে দায়িত্ব ভাতা প্রাপ্য হইবেন :

তবে শর্ত থাকে যে, তাঁহার দায়িত্বকাল ১(এক) মাসের অধিক না হইলে তিনি দায়িত্ব ভাতা প্রাপ্য হইবেন না।

৬। কাউন্সিলরগণের প্রাপ্য আর্থিক সুবিধাদির ব্যয় নির্বাহ।—বিধি ৫ এ উল্লিখিত কাউন্সিলরগণের প্রাপ্য আর্থিক সুবিধাদি সংশ্লিষ্ট কর্পোরেশনের নিজস্ব তহবিল হইতে নির্বাহ করা হইবে।

৭। রহিতকরণ ও হেফাজত।—(১) এই বিধিমালা প্রবর্তনের সঙ্গে সঙ্গে ইতোপূর্বে জারিকৃত এতদসংক্রান্ত বিধি-বিধান, পরিপত্র, অফিস আদেশ এবং নির্দেশনাসমূহ, যদি থাকে, রহিত বলিয়া গণ্য হইবে।

(২) উক্তরূপ রহিতকরণ সত্ত্বেও রহিতকৃত বিধি-বিধান, পরিপত্র, অফিস আদেশ না নির্দেশনার আলোকে কাউন্সিলরগণ কর্তৃক কোন কার্যাদি সম্পন্ন করা হইলে বা কোন দায়িত্ব বা কর্তব্য পালন করা হইলে উহা এই বিধিমালার অধীন কৃত বা সম্পাদিত হইয়াছে বলিয়া গণ্য হইবে।

রাষ্ট্রপতির আদেশক্রমে  
আবু আলম মোঃ শহিদ খান  
সচিব।